

**Io. Iac. Chiffletii De Linteis Sepvlchralibvs Christi
Servatoris Crisis Historica**

Chifflet, Jean-Jacques

Antverpiae, 1624

Cap. XXII. Quæ in loca Camberio deportata S. Sindon: Taurinum denique
vt venerit.

[urn:nbn:de:hbz:466:1-64456](#)

gerit: linguam nunc explicatam profert, nulla nodi aut cicatricis apparent vestigia, nec ad mansum ullis ultrà opus est dactylis: *E* (ut paucis) quod priùs apud homines desperatum fuerat, præsens Dei max imi summo munere, remedium adeptus fuisse cernitur. Ab hoc tempore pauca omnino censemur miracula, eaque potius in communi sermone, quam in scriptis; quæ quia nec valdè illustria sunt, nec satis explorata, idcirco omittenda censui.

C A P V T X X I I .

*Quæ in loca Camberio deportata S. Sindon:
Taurinum denique ut venerit.*

SACRAM Sindonem Camberio exportatam primùm lego anno M.D.III. ad paucos dies, vt in Sebusianis Philippo Hispaniarum Regi spectanda præberetur: nec multò post à Claudiā Dūcissâ in arcem Billiacam ad triennium, nempe ad annum usque M.D.VI. Exinde à Carolo Duce anno M.D.XXXV. in Subalpinos; apud quos septem & viginti annos seruata est: ac anno tandem M.D.LXII. postliminiò reuersa, sed ad sexdecim dumtaxat annos; quibus elapsis Augustam Taurinorum inuecta est. Singula persequor. *Philibertus quoque Secundus* (inquit Pingonius) *Philippi*

lippi ex priore coniuge Margaritâ Borboniâ filius, cum patri successisset, duxissetq; Margaritam Austriacam, filiam Maximiliani Imperatoris, sororémque Regis Hispaniarum Philippi, hunc ipsum Philip-pum in arce Pontis Indis, Sebusiani agri, splendidissimè exceptit anno M.D.III. Et spectanda Sindonis ibi (quà potissimum de causa venerat) copiam fecit. Demortuo mox Philiberto, Carolus ex secundis nuptiis frater, cum Claudiâ matre rerum potitur. Haec sanctimonia incomparabilis femina, inter pretiosum mundum & iocalia hanc habebat Sindonem, & in Billiacâ arce Beugesij, ubi ad pietatem secesserat religiosè diu conseruauit; donec anno M.D.VI. Caroli filij Ducis precibus, & patriæ votis, Camberianis populis restituit. Mox alterâ sequenti paginâ, Nec multâ post, ait, in grauescentibus bellis, expulsoq; Carolo Duce anno M.D.XXXV. pignus illud redditur & aliquando salutis, ipse secum studiosissimè Vercellas detulit, & quamdiu vixit conseruauit. Eo verò vitâ functo anno M.D.LIII. expilatis à Prorege Carolo Cocco Brissaco, mense Nouembri Vercellis, nihil tamen Sindoni sinistri contingere potuit: ille siquidem cum asceclis appropinquans, obstupuit, pedem retraxit, hac iniuiolata Sindon Emmanueli Philiberto successori conseruata est. Posteaquam autem fauente summo Numine pax illuxit anno M.D. LIX. restitutusq; est Emmanuel, du-

R. 3.

Etâ

et à Margaritâ à Franciâ, Regum filiâ, sorore, amitâ,
et matre verè Regij Caroli Emmanuelis; Sindonem
hanc Camberij reportari piè iussit, anno M.D.LXII. Per
hæc quoque tempora Sindonem Niciæ aliquam-
diu asseruatam fuisse, minimè dubium est, affir-

Tom. 10.
Tr. 35. matque Salmeron tunc viuens. Sindon etiam

munda, inquit, quâ fuit sepeliendus Dominus, et
inuoluendus à Iosepho ab Arimathia, quæ etiam ho-
die Nicae ostenditur, reliquit integrum Christi figu-
ram, &c. Et Tractatu quadragesimo nono: Hanc
autem (Sindonem quæ vtramq; corporis faciem
refert) Dux Sabaudie in ciuitate suâ Ducali, vulgo
Zamberic, prius habuit; deinde vero propter bella in
Nicaam Prouincia ciuitatem translulit; ubi in die
Sabbati sancti venerabiliter toti populo spectanda
proponitur. Ut denique Camberio Taurinum Sin-
don translata sit, autumno anni M. D. LXXVIII. sic
narrat Pingonius ipso initio sui libri: Laboratum
est graui pestilentia annis superioribus per maiorem
Italia partem; Mediolano maximè male cessit: peius-
que timendum fuerat, nisi tot, tantis populis, tanta
tāmque ampla ciuitati fauissent Superi, et à Superis
demissus Carolus Borromaeus tituli S. Praxedis Car-
dinalis, et regionis Archiepiscopus vigilissimus,
opem sedulam tulisset. Is opibus quibus abundat, egen-
tes leuare, præsentia suâ morbo implicitos confirmare,

ora-

oratione quâ pollet, & reipsâ languentes pañim erigerre, diuino etiam cibo reficere, nihil contagionis aut periculi deuitare, nihil humile aut minimum detrectare: quantum animo conniti, officio & labore contendere posset, id omne aquâ omnium & unâ salutis ratione exponere. Cùmqne vetus fama inoleuisset, Camberij Sabaudorum emporio sacrosanctam Sindonem religiosissimè asseruari, ad quam nulli frustrâ aduersis temporibus configissent, ille quoque, uti vir eximiè religiosus ac pius, ad ea vota configit, & eò pedes accedere supplexq; ibi Numen implorare & venerari proposuit. Quam rem ubi Dux Emmanuel Philibertus intellexit, non modo excipiendi tanti viri, sed etiam minuendi longi itineris, vel iniecto ipsis Transalpinis populis summo spectande Sindonis desiderio, cogitationem suscepit. Itaque quamprimum Camberio Taurinum aduehi Sindonem, paucis arbitris (quasi aliud agens, uti ferunt tempora) demandat, comitante viro grauissimo Ludouico Millieto Fabricarum Barone, Sabaudi Senatus summo Praefide, qui paulò antè ad fœdus Helueticum feriendum solemniter à Duce ascitus fuerat. Tunc fortè Dux in Lucenti castellum, ad primum ab urbe Taurinâ lapidem secesserat, qui ad se primò allatam Sindonem magnâ cum veneratione prostratus exceptit. Hoc Nonis Septembris anni huius faculi LXXVIII. atque ad xviii. Kalendas Octobres,

bres, Taurinum adducere distulit: quo die Exaltationi
Crucis sacro, nihil ad pietatis ceremonias prætermis-
sum fuit. Multis deinde persequitur celebritatem
peregrinationis S. Caroli Borromæi, quam etiam
longâ Epistolâ descripsit Franciscus Adornus è
Societate I E SV, qui sancto Carolo in eo itinere
comes fuit; & retulit Ioannes Tonsus in Vitâ
Emmanuelis Philiberti. Afferit porrò Pingonius,
Ducem Emmanuel Philibertum, pluribus literis
anno M. D. LXXVIII. ad Camberienses datis,
Sindonem ipsis se restituturum promisisse: & fer-
tur, Carolum Emmanuel Ducem, ac Victo-
rem Amedeum Principem eius filium, idipsum
Camberiensibus pollicitos. Sanè queruntur Sa-
baudi, ex quo diuino illo pignore ac præsidio spo-
liati sunt, se perpetuis calamitatibus conflictatos:
adduntque, Sindonem diuinitùs sibi adiudicatam
videri, tum prisco illo muli ad portam Cambe-
riensem consistentis miraculo; tum verò etiam,
quòd multò pluribus atque illustrioribus apud se
miraculis claruerit, quàm ex quo trans Alpes de-
necta est.

CA-